



UNIVERSITÄTS-  
BIBLIOTHEK  
PADERBORN

## **Corpus Juris Canonici**

**Gregor <XIII., Papst>**

**Coloniae Munatianæ, 1665**

VII. De sequestris.

---

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

essent conditionis, necnon calumniis & aliis inconveni-  
entibus hujusmodi, quantum cum Deo possumus, ob-  
viare, omnemque disputandi materiam tollere, & in his  
opportune providere volentes, necnon singularum lite-  
rarum praedictarum, ac indiciorum, inquisitionum, pro-  
cessuum, condemnationum, & sententiarum desuper  
formatarum, & latorum, ac formatarum & promul-  
gandarum hujusmodi, aliorumque forsitan latius ex-  
pressis, tenores, continentias, formas, & compendia, ac  
reorum delictorum, criminum, & excessuum, ac poena-  
rum hujusmodi, & iudicum nomina, cognomina, gra-  
dus, & qualitates, ac quantitates, & loca, pro plenè &  
sufficenter expressis habentes, & decernentes, necnon  
singulas praenarratas literas confirmantes & innovantes,  
motu simili, &c. quod banniti & in contumaciam con-  
demnati in poenam capitis & ultimi supplicii, si capti ad  
manus Curiae venerint, per iudices ad novas sive alias  
defensiones faciendas, etiam intra dictum tempus non  
admittantur, nisi habita à nobis vel signatura nostra de-  
super gratia speciali, nec litera ipsa quae in eorum odi-  
um edita sunt, eis in aliquo suffragentur, aut illis se  
juvare sive defendere possint. Quinimo, quod iudices  
praefati sententias ipsas condemnatorias, tam in urbe,  
quam extra eam latis & ferendas, si tamen legitimis  
praecedentibus indicis ad inquirendum promulgata fu-  
erint, executioni realiter & corporaliter suis loco & tem-  
pore congruis respectuè totaliter & integrè contra sic  
captos demandent, & demandari faciant, hac nostra per-  
petuo valitura declaratione declaramus & decernimus,  
& quatenus opus sit, de novo statuimus & ordinamus, &  
ita mentis & intentionis nostrae fuisse & esse attestamur.  
Rom. Id. Septemb. 1571.

TITVLVS VII.  
DE SEQUESTRIS.

Pius Quartus.

Indicibus decernendis sequestra fructuum beneficiorum lite pen-  
dente conceditur facultas.

CAP. I.

Antiquissimus in Christo Pater & Dominus noster Do-  
minus Pius divina providentia Papa IV. cupiens,  
sicut suo pastoralis incumbit officio, unicuique quod  
suum est tribui, iustitiamque inter omnes a qua lance mi-  
nistrari, ac animarum periculis, & fraudibus eorum qui  
passim beneficia Ecclesiastica in mensibus, in quibus illo-  
rum collatio & provisorio per constitutiones suas, seu Can-  
cellariae Apostolicae regulas desuper editas, dispositioni  
suae pro tempore reservatae existunt, vacantia, seu alias  
eisdem & sedis Apostolicae dispositioni generaliter refer-  
vata, aut ex generali reservatione Apostolica vel alias af-  
fecta, ordinata, seu alia auctoritate, contra dictarum  
constitutionum tenorem aut alias indebitè sibi conferri,  
& de illis etiam provideri procurant, & in eis praetextu  
collationum & provisionum hujusmodi se intrudunt, ad  
hoc ut illorum fructus suos faciant, & ex eis impetrantes  
Apostolicos seu alias iusto titulo provisos molestant, &  
interim lites adeo in longum protrahant, ut impetran-  
tes & iustum titulum habentes, aut cum eis concordare,  
aut eorum juri cedere & renunciare, aut in prosecutione  
litarum hujusmodi omnes ferè eorum facultates dissi-  
pare, & tandem in illarum prosecutione mori cogantur.  
Quique beneficia in Romana Curia vel extra eam liti-  
giola resignant, aut eorum juri cedunt simpliciter vel in  
favorem tertii, in memorialibus cum parvis datis & con-  
sentibus desuper praestitis, quae penes se retinent, & ni-  
hilominus lites hujusmodi prosequuntur, & dum cog-  
noscat nullum jus sibi in hujusmodi beneficiis litigio-  
sis competere, ad effugiendum sententiam, & expensas,

vel fructuum restitutionem, in quibus condemnandi ve-  
niant. Supplicationes desuper signari, ac datas, & con-  
sensus parvos hujusmodi extendi faciunt, asserentes se  
jam diu illa dimisisse, partes foventes bonum jus, & iudices  
iustitiam ministrantes deludendo, quantum in eo est  
obviare, ac omnem penitus talia praesumendi occasio-  
nem tollere, hac sua perpetuo valitura sanctione statuit  
& ordinavit, quòd quoties in antes aliquem super quo-  
vis beneficio Ecclesiastico, ut praefertur, reservato seu af-  
fecto, & dicta auctoritate vel alias nulliter collato tam  
in dicta Curia quam extra eam litigare contigerit, & ju-  
dici ordinario, seu cui causa desuper commissa fuerit,  
etiam summarie & extrajudicialiter, quantum sibi pro  
rei qualitate sufficere parte legitime citata videbitur,  
confiterit beneficium ipsum in dictis mensibus vacavisse,  
se, aut alias, ut praefertur, reservatum seu affectum, &  
nilhilominus ordinaria, seu alia auctoritate nulliter col-  
latum, & indebitè detentum existere, idem iudex repro-  
ducta citatione fructus, redditus, & proventus beneficiorum  
sic nulliter collatorum, & indebitè detentorum seque-  
strari a mandet & faciat, ac alia exequatur in praemissis  
necessaria & opportuna. Super quo eidem iudici omnia  
potestatem & auctoritatem impertitus est. Idemque sancti-  
sua in causis nunc in quavis instantia coram eisdem iudi-  
cibus pendentibus similiter observari mandavit. Praete-  
rea decrevit & declaravit sic resignantes seu cedentes, &  
nilhilominus lites hujusmodi prosequen. ne eorum ma-  
litia illis prodesse, & foventibus bonum jus nocere vale-  
at, ad fructuum, reddituum, & proventuum dictorum  
beneficiorum per eos perceptorum restitutionem, ac ex-  
pensarum in liris hujusmodi factarum refectionem,  
omniaque & singula damna & interesse in quibus con-  
demnati fuerint, si non cessissent vel resignassent, per ju-  
dices tam ordinaria quam delegata, vel alia auctoritate  
fungentes, coram quibus lites ipsas pro tempore pendere  
seu moveri contigerit, condemnandos fore, & conde-  
mnari debere, ac ad id teneri & obligatos esse, ipsosque,  
ac etiam in dictis beneficiis successores quoscumque ad  
partitionem sententiae, seu sententiarum, ac literarum  
executorialium pro tempore latis, seu latorum, & decre-  
tarum, à quibus appellare non liceat, ad restitutionem,  
seu relaxationem possessionis, ac fructuum, reddituum, &  
proventuum, necnon refectionem expensarum, ac da-  
mnorum, & interesse hujusmodi, perinde ac si contra  
eisdem successores sententia seu sententia lata, & literae  
executoriales hujusmodi decreta fuissent, cogi & com-  
pelli. Sic tamen, quòd postquam alter ipsorum senten-  
tia, seu sententia, ac restitutioni, vel relaxationi posses-  
sionis, & fructuum, reddituum, & proventuum, necnon  
damnorum & interesse hujusmodi refectioni, aliisque  
praemissis realiter & cum effectu paruerit, alter desuper  
molestari non possit.

Pius Quintus.

Lite pendente fructus & distributiones beneficiorum Ecclesiasti-  
corum fidei sequestro debent deponi.

CAP. II.

Ordi nobis est lites minuire, & à laboribus subdi-  
tos, maxime personas Ecclesiasticas divino cultui  
deditas, relevare. Sanè cum (sicut accepimus) in ple-  
risque cathedralibus & collegiatis Ecclesiis, earum con-  
stitutionibus & statutis etiam à sede Apostolica appro-  
batis & confirmatis cautum sit, quòd occurrentibus li-  
tibus & controversiis inter provisos de dignitatibus, of-  
ficiis, canonicatibus, & praebendis, portionibus, & prae-  
bendis, ceterisque beneficiis Ecclesiasticis qualitercunq;

a Sequestrum non debet concedi, nisi jus illud petentis appareat.  
l. cum proponas. C. de bon. auth. jud. postd. l. si in quo. ff. ut in  
poss. lega. Nam si in qui peti sequestrum nil iuris habeat, seque-  
strum non fiet.

